



## UPM Anjur MICOLLAC 2009



*Datuk Seri Sulaiman Abdul Rahman Abdul Taib merasmikan MICOLLAC sambil diperhatikan oleh Prof. Madya Dr. Che Ibrahim (kiri) dan Prof. Dr. Abu Bakar (kanan) baru-baru ini.*

**SERDANG, 28 April** – Universiti Putra Malaysia (UPM) telah menganjurkan persidangan Antarabangsa Bahasa, Kesusasteraan dan Kebudayaan (MICOLLAC) untuk bertukar maklumat antara pendidik dan perancang bahasa tempatan dan antarabangsa.

Ketua Jawatankuasa Publisiti, Dr. Shamala Paramasivam berkata persidangan itu memberi tumpuan bagaimana bahasa universal berterusan memberi kesan kepada kajian terhadap penggunaan bahasa mengikut amalan lama dan kini.

"Kajian ini merentas bidang makro bahasa, kesusasteraan dan budaya. Ia sebagai usaha untuk memperkayakan jaringan bahasa, sastera dan budaya," katanya.

Beliau berkata persidangan tersebut telah dihadiri oleh 400 delegasi dari 26 negara dari benua Oceania, Eropah, Amerika, Asia dan Timur Tengah yang terdiri daripada peserta akademik, pendidik, perancang, pelatih profesional dan pelajar siswazah tempatan serta antarabangsa.

"Penceramah utama pada persidangan tersebut ialah Profesor Robert Pilipson dari Copenhagen Business School (Denmark) selain Profesor Cythia White (Massey University, New Zealand) dan Profesor Susan C. Herring (Indiana University)," katanya.

Beliau berkata MICOLLAC 2009 bertemakan 'Language, Literature and Culture: Universals, Distinctions and Cross-disciplinary Perspectives' merupakan persidangan dwitahunan anjuran oleh Jabatan Bahasa Inggeris, Fakulti Bahasa Moden dan Komunikasi.

Dr. Shamala berkata UPM telah menerima penajaan daripada agensi kerajaan dan swasta untuk menjayakan program yang berimpak tinggi sekali gus dapat membantu mempromosi negara kepada masyarakat dunia pada majlis penyerahan cek penajaan baru-baru ini.

Pada majlis tersebut UPM menerima RM100,000 daripada Kementerian Pelancongan Malaysia, RM20,000 daripada Pearson Malaysia Sdn. Bhd dan RM15,000 daripada IOI Group.



*Datuk Seri Sulaiman Abdul Rahman Abdul Taib berbual mesra dengan Prof. Robert Pilipson dari Copenhagen Business School (Denmark), Prof. Cythia White (Massey University, New Zealand) dan Prof. Susan C. Herring (Indiana University).*

**Disediakan oleh Seksyen Media dan Publisiti, Bahagian Komunikasi Korporat, UPM.**